

Dä leßde Schicht

Von Will M. Richrath

(Nach einer wahren Begebenheit.)

Bolle viertig Johr wor Herm Uhlenbruck op'm Kohlberg rumgekrupen on ha völl ge-seihn on erlewt. Et woren godde on schlächde Dage gewessen, äwër Herm hätt sech nä ennerkriegen looten. He konn sech no genau drop besinnen, wie't dä Lied wor, as no en Haupen van Verbänne sech gegenseitig inne Hooren leggen de'en, wo't ömmer met däm Kä'el (Steiger) en groot Dedöhsn wor, wenn dat Gedinge afgeschlotten weren mott. Jott, jo, dat leggen all so wiet torügge, dat mer sech blot no so ganz schwach drop besinnen konn. Bloot dat eeme, dat vergessen Herm so flott nä: Dat wor de Lied, as dä Franzosen de Pütts besatten de'en. Chottsverdori, wat hätt Herm da geflenkt! Dä Donnerkiel, dä kommt mi nä anne Kohlen, dä sollt sech öhre. Kohlen gefälligs selws ut dem Kohlberg halen. Dat hätt us grad no gefehlt, dat wi vör die Halunken hie unnen schufsten fallen, nä, nä, dat kömmt gar nech in Froge! Dn he hätt tren metgemakt, as et hieten deh, wi mötten 'n passive Restenz utöwen. Jau, Pannekauken, wat hätt dä Käels dobowen wall vörn Schnute gemakt, as dä Kumpels wohl infahren de'en, äwër kinn Stückskes Kohle ropkom? Dpe Kisten hätt dä Kumpels gefatt, Karten gekloppt oder Stückskes vertellt. Dn domet hefft se schlöttlich auk gewonnen!

Na, und nu, wo Herm bolle viertig Johr op'm Buckel ha, freuen he sech wie'n Kind op Wiehnachden, dat he bolle dä leßde Schich verfahren deh. Käel, fall dat'n Lewen gewen! Vörig Johr wor Herm viertehn Dage mit „Kraft durch Freude“ anne See, on vör ditt Johr hätt he sech wat ganz Besonneres utgesenkt: ne Fahrt no Norwegen! Junge, fall dat'n Spaß sien!

Vörige Wecke trock Herm dör't Dorp on vertellen et allen Bekannten on Frönne: „Dwermorgen mak ek min leßde Schich, wittse dat all? Ja, Junge, holl di dobie, dann kasse auk bolle drahn sien!“ Dn Herm lachen, dat he alle anstecken deh. Gedellde Freund, doppelte Freund, dat dachden auk alle Kumpels van Herm.

Dn dann fuhr Herm to sien leßde Schicht op'm Kohlberg in. Komisch wor et doch, seggen sech Herm, as he dör dän Querschlag no siene Strecke goh. All dat süßte morgen on all dä Dage nä meh. Ha he välleich doch so'n bittken „Heimweh“ no'm Pütt? Wä kann dat seggen? Dn as dän Nachtschicht-Käel kom on Herm ope Schulter kloppen, mak he bienoh en bedröppelt Gesicht, as dä Käel öhm gradelieren deh.

„Jau“, seggen Herm, „no een Wagen upschuven, dann is Schicht, vör immer!“

Dn dän leßden Wagen kom, dä vam Senkschacht no dä Sohle getrocken wedden fall. Herm, dä sech allein op Drt siwen am Anschlag befann, mott auk selws dat Signal vör den Haspelungen gewen. Met jugendlicher Kraft schuven he dän Wagen op, äwwer wat wor dat denn, verdamme no es, dä Wagen sett sech direk totüsch, he wor langs gefallen. Gau halen Herm sech'n Stempel on bührt on bührt, verdamme no es, dat ge ht nä so leicht. Dn do schmitt he den Stempel wieh'r weg, stellt sech met'm Rücken gegen dän Wagen on will öm so dropbühren.

Do! Met eimol geiht dän Korw inne Höchte. Herm schreien noch, bloot en einz'gen Schrei, — — dann wor et passiert . . .

Wat nutzen et, dat dä Bergbehörde enne strenge Unnerseukung inne Wege leiten deh? Herm wor dot, et wor werkllich siene leßde Schicht op'm Kohlberg. Dn dä Kohlberg woll öm nä hergewen, weil Herm Uhlenbruck bolle viertig Johr op'm Kohlberg rumgekrupen wor!



Wir Alten machen noch mit

Foto: Meinholtz